

宣公翰苑集

叙

權德輿撰

海內
經

嘗讀賈誼書觀其經制人文鋪陳帝業術亦
至矣待之宣室恨得後時遇亦深矣然竟不
能達四聰而盡其善排群議而試厥謀道之
難行亦已久矣東陽絳灌何代無之嘻一薰
一蕕善齊去聲不能同其器方鑿圓柄良工無
以措巧心所以理世少而亂日多大雅衰而
正聲寢漢道未融既失之於賈傳吾唐不幸
復擯棄於陸公公諱贄字敬輿吳郡蘇人深

陽令侃之子年十八登進士第應博學宏辭
科授鄭縣尉非其好也省母 壽春刺史張
鎰有名於時一獲晤言大加賞識暨別鎰以
泉貨數萬為賚曰願以此奉太夫人一日之
膳公悉辭之領新茶一串而已是歲以書判
拔萃調渭南簿本傳作尉御史府以監察換之德宗
皇帝春官時知名召對翰林即日為學士由
祠部負外轉考功郎中朱泚之亂從幸奉天
時車駕播遷詔書旁午公灑翰即成不復起

卑初若不經思慮及成而奏無不曲盡事情
中於機會倉卒填委同職者無不拱手歎伏
不能復有所助嘗從容奏曰此時詔書陛下
宜痛自引過以感人心昔禹湯以罪已勃興
楚昭以善言復國陛下誠能不恠改過以言
謝天下俾臣草辭無諱庶幾群盜草心上從
之故行在詔書始下雖武人悍卒無不揮涕
激發議者以德宗克平寇亂不惟神武之功
爪牙宣力蓋亦資文德腹心之助焉及還京

師李抱真來朝奏曰陛下在山南時山東士
卒聞書詔之辭無不感泣思奮臣節臣知賊
不足平也公自行在帶本職拜諫議大夫中
書舍人精敏小心未嘗有過艱難危從行在
輒隨啓沃謀猷特所親信有時讌語不以公
卿指名但呼陸九而已初幸梁洋棧道危狹
從官前後相失上夜次山館召公不至泫然
號於禁旅曰得陸贄者賞千金頃之公至太
子親王皆賀初公既職內署母韋氏尚在吳

中上遣中使迎致京師道路置驛文士榮之
丁韋夫人憂去職持喪於洛遣人護深陽之
冢附英河南上遣中使監護其事四方賻遺
數百萬公一無所取素與蜀帥韋南康布衣
友善韋令每月置遺公奏而受之服闋復內
職權知兵部侍郎覲見之日天子為之興改
容叙吊優禮如此內外屬望旦夕俟其輔政
為實恭忌嫉故緩之真拜兵部侍郎知貢舉
得人之盛公議稱之貞元八年拜中書侍郎

平章事公以少年入侍內殿特蒙知遇不可
與衆浮沉苟且自愛事有不可必諍之上察
物太精躬臨庶政失其大體動與公違姦諛
從而間之屢至不悅親友或規之公曰吾上
不負天子下不負吾所學不恤其他公精於
吏事斟酌剖決不奏錙銖其經綸制度具在
德宗實錄及實叅納劉士寧之賂為李巽所
發得罪左遷橫議者以公與叅素不協歸罷
相之議於公戶部侍郎判度支裴廸齡以姦

回得幸害時蠹政物議莫敢指言公獨以身
當之屢言不可翰林學士吳通玄忌公先達
每切中傷陰結廸齡互言公知宰相趙憬公
之引拔升為同列以公排邪守正心復異之
羣邪沮謀直道不勝十年退公為賓客罷政
事明年夏旱芻糧不給軍校訴於上廸齡奏
曰此皆陸贄輩怨望鼓扇軍人也貶公忠州
別駕上怒不可測賴陽城張萬福救之獲免
蜀帥韋令抗表請以贄代己歲賂資糧公在

南賓閉門却掃郡人稀識其面復避謗不著
書惟考校醫方撰集驗方五十卷行於世江
峽十稔永貞初與鄭餘慶陽城同徵還公已
薨後時年五十二公之秉筆內署也權古揚
今雄文藻思敷之為文誥伸之為典謨俾標
校向風懦夫增氣則有制誥集一十卷覽公
之作則知公之為文也潤色之餘論思獻納
軍國利害巨細必陳則有奏草七卷覽公之
奏則知公之為臣也其在相位也推賢與能

舉直措枉將幹璿衡而揭日月清氛冷而平
恭階敷其道也與伊說爭衡考其文也與典
謨接軫則有中書奏議七卷覽公之奏議則
知公之事君也古人以士之遇也其要有四
為才位時命也仲尼有才而無位其道不行
賈生有時而無命終於一慟惟公才不謂不
長位不謂不達達時而不盡其道非命歟裴
氏之子為家使公不遇哉說者又以房魏姚
宋達時遇主克致清平陸君亦獲幸時君而

不能與房魏爭列蓋道未至也應之曰道雖
在我弘之在人豈理竟天農稷不能善稼奔
車覆轍立軻亦廢規行若使四君與公易時
而相則一否一臧未可知也而致君不及貞
觀開元者蓋時不幸也豈公不幸哉以為其
道未至不亦誣乎公之文集有詩文賦集表
狀為別集十五卷其關於時政昭昭然與金
石不朽者惟制誥奏議乎雖已流行多謬編
次以今類相從冠于編首兼略書其官氏景
行以為序引俾後之君子覽公制作效之為
文為臣事君之道不其偉歟

本朝名臣進奏議劄子



元祐八年五月七日蘇軾同呂希哲吳安詩
豐稷趙彥若范祖禹顧臨劄子奏臣等猥以
空疎俗負講讀

聖明天縱

學問日新臣等才有限而道無窮心欲言而
口不逮以此自愧莫知所為竊謂人臣之納
忠譬如醫者之用藥雖進於醫手方多傳
於古人若已經效於世間不必皆從於己出

伏見唐宰相陸贄才本王佐學為帝師論深切於事情言不離於道德智於千房而文則過辯如賈誼而術不踈上以格君心之非下以通天下之志但其不幸仕不遇時德宗以苛刻為能而贄諫之以忠厚德宗以猜疑為術而贄勸之以推誠德宗好用兵而贄以消兵為先德宗好聚財而贄以散財為急至於用人聽言之法治邊馭將之方罪己以收人心改過以應天道去小人以除民患惜名器以待有功如此之流未易悉數可謂進苦口之藥石鍼害身之膏肓使德宗盡用其言則貞觀可得而復臣等每退自西閤即私相告言以

陛下聖明必喜贄議論但使

聖賢之相契即如臣主之同時昔馮唐論願牧之賢則漢文為之太息魏相條鼂董之對則孝宣以致中興若

陛下能自得師莫若近取諸贄夫六經三史

諸子百家非無可觀皆足為治但聖言幽遠
末學支離譬如山海之崇深難以一二而推
擇如贅之論開卷了然聚古今之精英實治
亂之龜鑑臣等欲取其奏議稍加校正繕寫
進呈願

陛下置之坐隅如見贅面反復熟讀如與贅
言必能發

聖性之高明成治功於歲月臣等不勝區區
之意取進止

淳熙講筵劄子

勅送到大中大夫試刑部尚書兼侍讀兼吏
部尚書蕭燧中奉大夫權兵部尚書兼侍讀
宇文价通議大夫給事中兼侍講兼太子詹
事葛邲朝議大夫試右諫議大夫兼侍講將
繼周通奉大夫充敷文閣待制提舉佑神觀
兼侍講同脩國史洪邁朝散大夫起居郎兼
國史院編脩官兼權直學士院李燾朝散郎
守起居舍人吳煥劄子奏臣等恭覩淳熙八

年夏四月甲戌經筵進讀

真宗皇帝陛下正說終篇六月壬申有

旨宣諭陸贄奏議可與不可進讀侍讀臣希

呂等言贄論諫數十百篇皆本仁義元祐中

蘇軾等乞繕寫進呈置之坐右將來開講如

令進讀實有補於治道七月丙子

制曰可且今日讀五版九年四月辛亥

詔講讀官同班奏事

聖語云朕每見贄論德宗事未嘗不寒心正

恐未免有德宗之失卿等可各條具闕失未

一侍講臣輝奏言

陛下推誠待下可謂曲盡其至侍講臣洽言

德宗猜忌刻薄唐書一贊盡之矣

聖語云德宗強明不肯推誠待下雖更奉天

雖亂終不悔悟當彼艱難之時所宜與贄朝

論議猶恐不濟而每事但遣左右宣旨罕

嘗而論豈能深究利害此所以知德宗之不

振也侍講臣敦詩言德宗於軍旅間亦多是

中人傳旨實情安得上達

聖語云德宗欲以此濟其猜忌刻薄煇又奏聖言以此社稷之福於是合辭奏言臣等敢不仰遵

聖訓願竭愚衷十三年三月癸卯開講時奏議猶有三帙凡二萬五千餘字有

旨諭講讀官令自後每讀以半帙為率四月庚戌臣燧等讀贄論度支令折稅市草事狀臣燧等言自古聚歛之臣務為欺誕以衛己

能未有不先紛更制度者

聖語云天下本無事庸人擾之耳庚申臣燧讀贄所論裴延齡書

聖語云陸贄論延齡姦惡反覆曲折如此延齡可謂至小人臣燧言延齡之姦最甚世所罕有又有

旨特以十八日二十二日

御講筵臣燧又讀贄所論裴延齡書讀畢臣燧言君子未嘗不欲去小人然為小人所勝

如蕭望之為恭顯所勝張九齡為李林甫所勝裴度為皇甫鎛所勝

聖語云皇甫鎛亦延齡之徒也惟臣等以庸瑣之材幸得備員華光日侍左右仰惟

陛下天縱典學緝熙光明一話一言皆足以貽諸萬世堯舜之聖不過如此豈唐德宗所當同日而語然

寒心惕息每慮或蹈其失以為寒心夫德宗親聞贊言而棄之如土梗

陛下追誦聖語而寶之如元龜至以退朝之後傾聽數千言而不為倦厭又特於雙日躬御通表蓋故事所未有

聖恩相去何止高天之與下地臣等不勝大願乞

宣付史館以彰著

陛下不矜不伐執古御今之意無任昧死俟命之至取

進止五月一日三省樞密院同奉

聖旨依奏

唐陸宣公集目錄

唐陸宣公集卷第一

制詔卷第一

奉天改元大赦制

平朱泚後車駕還京大赦制

唐陸宣公集卷第二

制詔卷第二

貞元改元大赦制

冬至大禮大赦制

唐陸宣公集卷第三

制詔卷第三

貞元九年冬至大禮大赦制

蝗蟲避正殿降免囚徒德音

誅李懷光後原宥河中將吏并招諭淮

西詔

誅李希烈後原宥淮西將吏并授陳山

奇節度詔

重宥淮西將士詔

唐陸宣公集卷第四

制詔卷第四

賑卹諸道將吏百姓等詔

優卹畿內百姓并除十縣令詔

重優復興元府及洋鳳等州百姓詔

議減鹽價詔

賜京城及同華等州百姓種子賑給貧

人詔

賜將士名奉天定難功臣詔

改梁州為興元府升洋州為望州詔
唐陸宣公集第五

制誥卷第五

奉天遣使宣慰諸道詔

收復京師遣使宣慰將吏百姓詔

平淮西後宴賞諸軍將士放歸本道詔

加王武俊李抱真官封并招諭朱滔詔

招諭淮西將吏詔

招諭河中詔

安撫淮西歸順將士百姓勅

甄獎陷賊守節官詔

令百寮議大禮期日詔

不許諸軍侵擾勅

放淮生口歸本貫勅

令諸道募靈武鎮守人詔

唐陸宣公集卷第六

制誥卷第六

冊淑妃王氏為皇后文

冊嘉誠公主文

冊蜀王妃文

冊祀王妃文

告謝吳天上帝用文

告謝玄宗廟文

告謝肅宗廟文

告謝代宗廟文

祭大禹廟文

制策問賢良方正能直言極諫科

制策問博通墳典達於教化科

制策問識洞韜略堪任將帥科

答宰臣請停大禮表

答百寮請停大禮表

答第二表 答第三表

答百寮賀利州連理求表

答宰臣請復御膳表

答百寮請復御膳表

唐陸宣公集卷第七

制誥卷第七

李晟司徒兼中書令制

蕭復劉從一姜公輔平章事制

張延賞中書侍郎平章事制

渾瑊侍中制

盧翰劉從一門下中書侍郎平章事制

劉滋崔造齊映平章事制

李納檢校右僕射平章事制

韓滉檢校左僕射平章事制

李勉太子師制

姜公輔左庶子制

崔造右庶子制

盧翰太子賓客制

唐陸宣公集卷第八

制誥卷第八

賈耽東都留守制

崔縱東都留守制

晉王荆襄江西等道兵馬都元帥制

馬燧渾絨副元帥招討河中制

李晟鳳翔隴西節度兼涇原副元帥制

劉洽檢校司空充諸道兵馬都統制

唐陸宣公集卷第九

制誥卷第九

渾瑊京畿金商節度使制

杜亞淮南節度使制

虔王申光隨蔡等州節度使制

宣朝臣振武節度使論惟明府親察

使制

韓滉加檢校右僕射制

嘉王橫海軍節度使制

馬燧李臯賜寶封制

韓滉度支鹽鐵轉運等制

李絳明右僕射制

李澄贈司空制

除鄧州歸順官制

李納檢校司空制

唐陸宣公集卷第十

制誥卷第十

賜李納王武俊等鐵券文

賜安西管內黃姓壽縣官鐵券文

慰問四鎮北庭將吏勅書

與回紇可汗書

賜吐蕃將書

賜吐蕃宰相尚結頡頏書三

唐陸宣公集卷第十一

奏草卷第一

論兩河及淮西利害狀

論關中事宜狀

唐陸宣公集卷第十二

奏草卷第二

論叙遷幸之由狀

奉天論奏當今兩切務狀

奉天論前兩答奏未施行狀

唐陸宣公集卷第十三

奏草卷第三

奉天請數對羣臣兼許令論事狀

奉天論尊號加字狀

重論尊號狀

奉天論赦書事條狀

唐陸宣公集卷第十四

奏草卷第四

奉天論擬與翰林學士改轉狀

奉天請罷瓊林天盈土庫狀

奉天論解蕭復狀

奉天薦袁高等狀

奉天論李晟所管兵馬狀

奉天奏李建徽揚惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

唐陸宣公集卷第十五

奏草卷第五

興元論解姜公輔狀

又答論姜公輔狀

興元論請優獎曲環所領將士狀

興元論解蕭復狀

又答論蕭復狀

興元論續從賊赴行在官等狀

唐陸宣公集卷第十六

奏草卷第六

興元賀吐蕃尚結贊抽軍迴歸狀

興元奏請許渾瑊李晟等諸軍兵馬自

取機便狀

興元請撫循李楚琳狀

興元論中官及朝官賜名定難功臣狀

興元論賜渾瑊詔書為取散失內人等

議狀

鑿駕將還官闕論發日狀

請釋趙貴先罪狀

論替換李楚琳狀

收河中後請罷兵狀

唐陸宣公集卷第十七

中書奏議卷第一

請許臺省長官舉薦屬吏狀

請遣使臣宣撫諸道遣水州縣狀

論淮西管內水損處請同諸道遣宣慰

使狀

謝密旨因論所宣事狀

唐陸宣公集卷第十八

中書奏議卷第二

論嶺南請於安南置市舶中使狀

論宣令除裴延齡度支使狀

論齊映齊抗官狀

請減京東水運收脚價於綠邊州鎮儲

蓄軍糧事宜狀

唐陸宣公集卷第十九

中書奏議卷第三

論綠邊守備事宜狀

商量處置實參事體狀

奏議竇參等官狀

請不簿錄竇參莊宅狀

唐陸宣公集卷第二十一

中書奏議卷第四

請還田緒所寄撰碑文馬綰狀

請依京北所請折納事狀

議汴州逐劉士寧事狀

請不與李萬榮汴州節度使狀

論度支令京兆府折稅市草事狀

論左降官准赦合量移事三狀

論邊城貯備米粟等狀

唐陸宣公集卷第二十一

中書奏議卷第五

論裴延齡姦蠹書一首

論朝官闕負及刺史等改轉倫序狀

唐陸宣公集卷第二十二

中書奏議卷第六

均節賦稅恤百姓六條

唐陸宣公集卷第一 制誥卷第一 赦宥上

奉天改元大赦制

平朱此後改建平五年為興元元年

門下教理興化必在推誠忘已濟人不吝改

過朕嗣守丕構君臨萬方失守宗祧越在草

莽不合率德誠莫追於既往永言思咎期有

復於將來明徵厥初以示天下惟我烈祖邁

德庇人致俗化於和平極生靈於塗炭重熙

積慶垂二百年伊爾卿尹庶官洎億兆之衆

代受亭育以迄于今功存于人澤垂于後肆

予小子獲續鴻業懼德不嗣罔敢怠荒然以
女于深宮之中暗于經國之務積習易溺居
安忘危不知稼穡之艱難不察征戍之勞苦
澤靡下究情不上通事既壅隔人懷疑阻猶
昧省已遂用興戎徵師四方轉餉千里賦車
籍馬遠近騷然行齋居送衆庶勞止或一日
戾交鋒刃或連年不解甲冑祀奠之室家
靡依生死流離怨氣疑結力役不息田萊多
荒暴命峻於誅求疲此空於抒誠博瓦濇壑

離去鄉閭邑里立墟人烟斷絕天譴於上而
朕不悟人怨於下而朕不知馴致亂階變興
都邑賊臣乘釁肆逆滔天曾莫愧畏敢行凌
逼萬品失序九廟震驚上辱于祖宗下負於
黎庶痛心覲貌罪實在于永言愧悼若墜深
谷賴天地降祐神人叶謀將相竭誠爪牙宣
力屏逐大盜載張皇維將弘永圖必布新令
朕晨興夕惕惟念前非乃者公卿百寮累抗
章疏猥以微號加于朕躬固辭不獲俯遂輿

議昨因內省良用矍然體陰陽不測之謂神
與天地合德之謂聖顧惟淺昧非所宜當文
者所以化成武者所以定亂今化之不被亂
是用興豈可更徇羣情苟膺虛美重余不德
祗益懷慙自今以後中外所上書奏不得更
稱聖神文武之號夫人情不常繫于時化天
道既隱亂獄滋豐朕既不能弘德導人又不
能一法齊衆苟設密網以羅非辜為之父母
實增愧悼今上元統曆獻歲發生宜率紀年

百姓等皆被初制久為匪人詢事原情諒非
獲已今王師四合計日誅夷玉石俱焚用增
惻憫宜令諸道進軍之日唯存首惡一人自
餘徒黨悉從原宥如有歸順及立功者並准
河中將士例褒獎夫為國之要在於審官共
理分憂守宰弥切闔境性命繫乎其人將使
里閭無愁苦之聲風俗興廉讓之教得不慎
水毫彥寄之化源自今已後諸州刺史有闕
中書門下於朝官中精擇有理人才術者授

誠昨因內省良用矍然體陰陽不測之謂神
與天地合德之謂聖顧惟淺昧非所宜當文
者所以化成武者所以定亂今化之不被亂
是用興豈可更徇羣情苟膺靈美重余不德
祇益懷慙自今以後中外所上書奏不得更
稱聖神文武之號夫人情不常繫于時化天
道既隱亂獄滋豐朕既不能弘德導人又不
能一法齊衆苟設密網以羅非辜為之父母
實增愧悼今上元統曆獻歲發生宜享紀年

百姓等皆被劫制久為匪人詢事原情諒非
獲已今王師四合計日誅夷玉石俱焚用增
惻憫宜令諸道進軍之日唯存首惡一人自
餘徒黨悉從原宥如有歸順及立功者並准
河中將

此卷之三十三卷之四十一

官共

理分憂守宰弼切監境性命繫乎其人將使
里閭無愁苦之聲風俗興廉讓之教得不慎
水毫彥寄之化源自今已後諸州刺史有闕
中書門下於朝官中精擇有理人才術者授

之如刺史縣令在任頻年課績尤異者擢授
侍郎給舍郎中御史中外迭蒙用觀其能賞
罰必行期於競勸自頃選曹署吏唯以書判
求人務聘浮華莫稽實行且能言者不必適
用蘊用者或未能言凡為擇人其在精覈宜
令清資常參官每年於吏部選人中各舉所
知一人堪任縣令錄事參軍者所司依資叙
注擬便於甲曆之內具標舉主名銜仍牒報
御史臺如到任後政尤異者有職犯事跡著

矜宥但官軍未到京城以前能去逆効順及
散歸本道者並從赦例原免一切不問天下
左降官即與量移近處已量移者更與量移
流人配隸及藩鎮効罪作方并緣罪犯與諸使
馳使官無別勅諸州縣安置及得罪人家口
未得歸者一切放還應先有痕累禁錮及反
逆緣坐承前恩赦所不該者並宜洗雪亡官
失爵放歸勿齒者量加收叙人之行業或未
必兼構大厦者方集於群材建奇功者不限

於常檢苟在適用則無棄人况黜免之人沉
鬱既久朝過夕改仁何遠哉流移降黜亡官
失爵配隸人等有材能著聞者特加錄用勿
拘常例諸軍使誘道進奉天及進收京城將
士等或百戰摧敵或萬里勤王打固全城驅
除大憝濟危難者其節著復社稷者其業崇
我國爾功特加昇典錫名壽賦永永無窮宜
並賜名奉天定難功臣身有過犯遞減罪三
等子孫有過犯遞減罪二等當戶應有差科

似役一切蠲免其功臣已後雖衰老疾患不
任半旅當分程賜並宜全給身死之後十年
內仍回給家口其有食實封者子孫相繼代
代無絕其餘叙錄及功賞條件待收京日並
准去年十月十七日十一月十四日勅處分
諸道諸軍將士等以勤許禦累著功勳方鎮
元宰惟爾之力其應在行營者並超三資與
官仍賜勳五轉不離鎮者依資與官賜勳三
轉其累加勳爵仍許回授周親内外文武官

二品以上賜爵一級四品已上各加一階仍
並賜勳兩轉見危致命先哲攸貴掩骼埋胔
祀典所先雖効用而或疎在側隱而何間諸
道將士有死王事者各委所在州縣給遞送
歸本管官為塋祭其有回戰陣殺戮及擒獲
伏辜暴骨原野者亦委所在逐近便收葬應
緣流貶及犯罪未塋者並許其家各據本官
品以禮收塋自頃軍旅所給賦役繁興吏因
而其人不堪命嗟然道各無聊汜可小

康輿之休息其墊陌及稅間架竹木茶漆榷
鐵等諸色名目悉宜停罷京畿之內屬此寇
戎攻劫焚燒靡有寧室王師仰給人以重勞
持宜減放今年夏稅之半朕以兇醜犯闕遽
用于征矣度近郊息駕茲邑軍儲克辦師旅
攸寧式當褒旌以志吾過其奉天宜升為赤
縣百姓並給復五年尚德者教化之所先求
賢者邦家之大本永言茲道夢想勞懷而澆
薄之風趨競不息幽棲之士寤寔無聞蓋誠

所未學故求之未至天下有隱居行義才德
高遠晦跡丘園不求聞達者委所在長吏具
姓名聞奏當備禮邀致諸色人中有賢良方
正能直言極諫及博通墳典達於教化并洞
識韜鈴堪任將帥者委常叅官及所在長吏
聞薦天下孤老鰥寡惻獨不能自活者並妄
州縣長吏量事優恤其有年九十已上者刺
史縣令就門存問義夫節婦孝子順孫旌表
門閭終身勿事大兵之後內外耗竭食省

用宜自朕躬當節乘輿之服御絕宮室之華
飾率已師儉為天下先諸道貢獻自非供宗
廟軍國之用一切並停應內外官有冗員及
百司有不急之費委中書門下即商量條件
停減聞奏布澤行賞抑惟舊章今以餘孽未
平帑藏空竭有乖慶賜深愧于懷赦書有所
未該者委所司類例條件聞奏敢以赦前事
相言告以其罪罪之亡命山澤挾藏軍器百
日不首復罪如初赦書日行五百里布告遐

邇咸使聞知

平朱泚後車駕還京大赦制

門下致理之體先德後刑禮義興行故人知
耻格教令明當則俗致和平然後姦慝不萌
暴亂不作古先哲后莫不由斯國家受命百
七十載八聖儲慶敷佑下人邁種寬大之德
累蠲苛酷之令蓋仁之所積者厚故澤之所
流者深茲予小子獲主重器愴於理亂之本
溺於回習之安拔任不明賞罰乖當立法以

齊衆而犯命愈甚興戎以除害而長亂益繁
賊臣蓄姦乘釁竊發九廟之祀兆人靡依猥
偷肆其吞噬豺狼穴於宮闕歲未云半載罹
播遷仰慚穹昊俯愧臣庶敢愛 首全眇
躬誠懼益維寇讐重辱宗社忍耻著志庶補
前羞賴億兆宅心不忘先德諸帥戮力恭行
天罰俾余寡昧再膺多祐總軋綱於既紊復
天柱於將傾言旋鎬京不改舊物宗祧有序
朝事有期責重慶多深增感惕嗚呼君者所

以撫人也。君苟失位，人將安仰。朕既不德，致
寇興禍，使生靈無告，受制克威，苟全性命，急
何能擇，或虧廢名節，或貪冒貨利，陷於法網，
事匪一端，究其所由，自我而致，不能撫人，以
道乃欲繩之，以刑豈所謂恤人罪已之誠。含
垢布和之義，滌清汚俗，咸與更新，可大赦天
下。自興元元年七月二十三日昧爽已前，大
辟罪已下已發覺未發覺已結正未結正見
繫囚徒常赦所不原者，咸赦除之。今年五月

二十八日已前，左降官即與量移未復資者，
更與移近處流人及犯配隸藩鎮効力並即
放還。亡官失爵放歸不齒者，量加收叙未復
資者，更與進改其黜免人等有素著行能，傍
連譴累特加錄用，勿以為負。不有忠者，誰復
社稷，不有勞者，誰從巡狩，連帥之重，所以嚴
邦禦侮也。二千石之任，所以分憂共理也。方
鎮將校勤奉戎役，中外察吏恪居官次，國有
大慶，所宜同之。內外文武及致仕官三品已

上賜爵一級四品已上加一階仍並賜勳兩
轉司徒兼中書令晟英特傑立光輔中興再
定皇都一匡天下推恩之典貽慶無窮宜與
一子五品正貲京官侍中城沉邃忠厚服勞
王家保全危城翦除大憝嘉乃茂績次于寵
章宜與一子六品正貲京官鎮國軍潼關節
度使檢校右僕射駱元光京畿渭南商州節
度使檢校右僕射尚可孤邠寧等州節度使
檢校右僕射韓遊瓌奉天行營諸軍節度使

檢校右僕射戴休顏咸秉大節著于艱難同
勳叶忠翼我興運宜各與一子七品正貲官
諸道節度使及行在都知兵馬使興元扈從
左右金吾大將軍金吾六軍大將軍等各與
一子八品正貲官諸道團練觀察處置等使
各與一子九品正貲官應諸軍赴上都收復
將士等俱以純誠奮其勇節連年帶甲百戰
摧鋒有忘身以効命有滅親以徇義誓平國
難如復私讐競揚貔虎之雄克清梟竟之孽

宗勳行賞傳嗣榮親播乃功名與國終始自
去年冬已來未經甄叙者即與超八資改轉
已經甄叙者更與超三資進改三品已上祖
父母在先無官封者量與致仕官及邑號亡
者正與追贈四品以下父母在先無官封者
亦授致仕官及邑號亡者與追贈其賞錢妻
所司即依元勅支給應扈從將士三品已上
賜爵兩級四品以下各加兩階仍並賜勳其
祖父母官封追贈並准收京城將士例量分
應扈從官普恩之外三品已上賜爵兩級四
品已下各加兩階仍普賜勳三轉其祖父母
父母封贈並准收京城例量分應扈從官普
恩之外三品已上更加爵一級四品已下更
加一階若常叅官祖父母父母在先無官封
者量授致仕官及邑號亡者與追贈諸州刺
史普恩外賜爵一級諸道進奏陪位者更加
一階其奉天定難及元從功臣宜令本軍本
使即定名聞奏所司各准元勅優賞其諸道

軍鎮及行營將士三品已上賜爵一級四品已上加一階仍准今年正月一日制速與甄叙成德淄青魏博等節度并諸軍應歸順將士等各蘊誠義積著功勞由朕失於撫綏頃歲暫懷疑阻尋能勵節不替舊勳是資宴禱俾洽王澤宜委所司即約額支計各賜錢物賞設仍委本節度准前後勅速條疏甄叙其朔方并諸軍應在河中管內及同州將士等自遠赴難解其重圍念茲功勞並未酬報雖

違宵制情有可矜應到行營未經甄叙者並准元勅超五資改轉其賞錢比收京城將士例各給一半委本軍兵馬使條錄名銜聞奏所司支計給付其食實封者亦便配額令其請受應天下諸道軍將士等如有年老及疾志尪弱不任軍旅願歸鄉里者並給終身優復州縣切加安存勿令侵擾如無家可歸者給田宅使得存濟見危致命先典所尚况忠衛社稷殺身成功朕於斯人義有加等贈太

耐秀實天授貞烈沮茲姦邪蒼黃之中獨蘊
佳斷將紆國難詭收寇兵兇謀既虜吾事果
濟忠誠奮發手擊渠魁英風凜然振邁千古
宜即差官致祭并旌表門閭府縣護其喪事
絲蒸所要一切官供仍於墓所官為立碑以
揚徽烈其所賜實封五百戶嫡子正負三品
官諸子授正負五品官委中書門下即准元
勅處分應諸道諸軍將士有身死王事者委
本道本使具名銜聞奏如與褒贈仍以在身

官爵授其子孫内外文武官及諸親諸色人
等有橫遭逆賊殺害者各聽其家及親識人
於所司陳牒勘實聞奏亦與追贈如跡著忠
烈衆所明知仍訪其子孫量加優恤尚齒養
老王風之首三代制理未或遺年朕將遵古
典以興化本人而教孝用優秩賜式慰里
閭京兆府耆壽年八十已上並與板授刺史
仍賜紫八十已下及諸州府耆壽年八十已
上並與板授本縣令仍賜緋天下侍老者壽

亦各與板授官如年九十已上者州縣長吏
歲時躬親省問貧弱不能自存者量賜粟帛
頃屬多難人流俗弊加之以師旅因之以飢
饉賦役繁起農桑失時哀哉瘠人沉可小息
然以國計猶歎軍實靡充未盡復除良增愧
悼應天下建中四年年終已前所有諸色逋
欠在百姓復內者一切放免百司及諸軍諸
使舉放利錢今年六月已前百姓欠負未納
者亦並停徵京兆府百姓普恩外給復一年

其供頓官吏委京兆尹類例具名銜聞奏量
與優獎古者計戶以署吏回時而建職既不
之事亦無冗員今田畝汗萊版圖凋耗齊人
編戶詬庇官曹貪吏猶胥誘為囊索啓奸墮
業為害尤深應在京百司色役人及流外等
委御史大夫即與諸司使長官審詳商議據
見所掌事之開刷定額聞奏仍校右送中書
門下務從減省副朕憂人以後應須署置並
定名先奏仍永為常式今年正月一日敕書

節目有所未行者所司並舉而行之赦書或
有不該即比類條件聞奏敢以赦前事相言
告者以其罪罪之亡命山澤挾藏軍器百日
不首復罪如初赦書日行五百里布告遐迩
咸使聞知

唐陸宣公集卷第一